

<https://news.usm.my>

Berita Mutakhir

13 AUG PROGRAM PEMINDAHAN ILMU (KTP) USM TERIMA ANUGERAH HIJAU NEGERI MELAKA 2016



MELAKA, 13 Ogos 2016 - Program Pemindahan Ilmu (KTP) Universiti Sains Malaysia (USM) telah merangkul Anugerah Hijau Negeri Melaka tahun 2016 bagi kolaborasi akademik dalam majlis yang berlangsung kelmarin di Melaka.

Menurut Pengarah Pusat Pemindahan Ilmu (KTC) USM Profesor Dr. Haslan Abu Hassan, KTP diberi Anugerah Khas ini kerana telah membantu Perbadanan Teknologi Hijau Melaka (PTHM) dan Kerajaan Negeri Melaka dalam 6 aktiviti Teknologi Hijau.

"Aktiviti merangkumi program "vermicomposting" sayur di pasar besar Melaka, peningkatan kualiti udara di Hospital Besar Melaka, kecekapan penggunaan tenaga di sekolah menengah negeri Melaka, projek sisa minyak menjadi biodiesel dan industri pengeringan ikan menggunakan solar termal,"

katanya.

Tambah Haslan, semua aktiviti ini mewujudkan persekitaran hijau seperti mengurangkan pembuangan sayuran ke landfill, meningkatkan kualiti udara segar, penjimatan tenaga dan penggunaan tenaga boleh baharu.



"Kesemua 6 aktiviti seperti dinyatakan telah dimulakan dengan 3 projek pada tahun 2014 manakala 3 projek lagi pada tahun 2015," jelas lanjutnya.

Sekretariat KTP Nasional Kementerian Pendidikan Tinggi (KPT) dipengerusikan oleh Naib Canselor USM Profesor Dato' Dr. Omar Osman dan Profesor Dr. Haslan Abu Hassan ialah setiausaha dan sekretariat ini beroperasi di bangunan TORAY-USM, manakala ahli-ahli jawatankuasa diwakili oleh Universiti Awam (UA) yang lain.

Anugerah Hijau Negeri Melaka 2016 ini disempurnakan oleh Ketua Menteri Melaka YAB Datuk Seri Ir. Hj. Idris Hj. Haron dan Perbadanan Teknologi Hijau Melaka (PTHM) yang dahulunya dikenali sebagai Perbadanan Hang Tuah Jaya (PHTJ) adalah agensi peneraju teknologi hijau di Melaka.

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015